

RECTOR
UNIVERSITATIS ROSTOCHIENSIS
WILHELMUS DAVIDES
HABERMANUS,
MED.D. EJUSDEMQUE PROF. PUBL. & POLIATER:

AD

GEMINAM TOTALEM
SANCTAMQUE



SOLIS
ECCLIPSIN

Sobrie piè devoteque

Contemplandam atque Adorandam

O. O. CIVES ACADEMICOS invitae.



Rostochii Typis Joh. Wepplingii, SER. PRING. & ACAD. Typogr.

106



Iu qvidem Astra, Vastissimæ illæ Mundi Moles, à primò statim exortu suo, partim provida Architecturâ & situ, partim mirando pulcher-
rimorum Luminum motu, DEI ARCHITECTI SUI, OPTIMI MAXIMI PROVI-
DENTIAM indefinenter laudaverant; & ut ÆTERNITATIS GLORIAM non sibi, sed
ILLI SOLI adfererent, suæ vero interitui
quasi præluderent, sibi invicem per vices
mutabile lumen sæpè suum eripuerant: cum

SOL SOLUS Centrum illud Universi, & Lumen inter Mundi Lumi-
na Maximum, obscurationem sui nondum senserat unquam. Obti-
gere qvidem eheu! ut nunc ita olim ab exordio usq; Mundi sat multæ (ita
dictæ) Solis Ecclipses: quæ tamen reverâ *non ipsius Solis* (sed potius Ter-
ræ) *Obscuraciones sunt, fiunt enim à Lunâ* (dum tempore Novilunii directè
sub sole, motu suo ponitur) *Solem obtegente* & oculis nostris occultante.

Et *Ejusmodi Solis Ecclipsin minabatur Terra huic nostræ Primus statim
Mundi dies Natalis*; id quod mysticum est, atqve ratione & calculo
demonstratur. Si enim DEUS primò Mundi die ex utero primigeniæ
Lucis [in qua reverâ jam tum omnia Mundi Lumina virtualiter ade-
rant) Solem Lunamqve produxisset; atqve loca, normamqve eandem
motuum immutabilem (qvalem in corporibus cœlestibus nunc obser-
vamus) servasset, tum utiqve magna Solis Ecclipsis extitisset necessa-
riò. Retrò enim subducto calculo eoqve constituto ad diem Mundi
primum (ad inventum Astrochronologicum, *Celeb: D: Wasmuthi*) Sol
& Luna tum inveniuntur in uno eodemq; Æquinoctii Vernalis gradu.
Sed SAPIENTIA ÆTERNA, quæ dies numeravit anteqvam essent
Genes: 1, v. 5. 8. 13. Quæ Luminibus Ecclipses (ad JUSTITIÆ SUÆ nor-
mam) Luc. XXI. 25. Sed Lumen Terræ (ad GRATIÆ SUÆ mensuram)
admeosa est, anteqvam & Terra & Lux adessent; quæ hunc *Primum
diem* (Solis seu feriam hebdomadic. primam) De censui CHRISTI in
in carnem nostram An. M. 4140. d. 15. Januar. vid. Annunc. B. Virgin.)
Ejusdemqve Gloriosissimæ Resurrectioni à mortuis & Triumpho, olim
Sacrum esse voluit; ILLA inquam hanc Ecclipsin impendentem SOLA
vidit, & faustissimo Omine avertit; & *quarto demum die* (qui heri de-
bebat olim *Natalis JESU CHRISTI*, Terræ REDEMPTORIS Anno
Mundi 4141. Mens. Octobr. die 15.) Solem Lunamque produxit: eoq;
ipso *primo statim Mundi die* Terræ, proclivitatem, qvidem ad caligi-
nem brevi subeundam, sed simul fatalis lux MISERICORDIÆ signum
luculenter demonstravit.

Ex-



52700/54

Exactis verò annis Mundi 4174. Mense ineunte primo, h. e. die 8.
 Aprilis (juxta Calend. Julian) feria sexta (♀) quæ erat *quorundam Ho-*
mini Primo Natalis, SOL *primam Totalem ac verè talem* (qvalem Mundus
 hætenus viderat nullam) *patiebatur SUI ECCLIPSIN*. Hujus admi-
 randæ Obscurationis causa (I.) non erat, (eadem quæ in ordinariis
 Ecclipsibus solet esse) scil. *Lunâ*: Hæc enim soli non juncta, sed ei-
 dem directè opposita erat (Sole sc. exiltente in Ariete) Luna in Libra)
 tempore scilicet Paschali h. e. Plenilunii. Nec est ut quis sibi velit
 imaginari, Lunam delubito ex suo loco emotam retrocessisse (ut fa-
 ctum in Sole per 10. lineas in horologio Ahas 2. Reg. 20. retrogrado)
 ad locum Solis, sicque Ecclipsin (ut alias in Solis Ecclipsibus solet fieri
 ordinariè) constituisse, Luna enim est Terrâ nostrâ 40. vicibus (juxta
 Tychonem minor; Sol vero hæc eadem Terra 140. vicibus major:
 quomodo ergo Luna tegere & occultare terram, h. e. prohibere po-
 test, quo minus radii luminis ex sole prodeuntes Terræ multas regio-
 nes non tangant? Hæc verò Ecclipsis fuit *Universalis*, juxta effatum
S. S. Iti nas av tlu ylu super universam Terram: Verum in Solis
 Ecclipsibus, quæ à Lunæ interpositione fieri ullo modo possunt, ultra
 350. milliaria Italia de nostrâ Terrâ obscurari non possunt. Præte-
 rea fuit hæc admiranda Ecclipsis *cum mora*, h. e. duravit ab ipsa meridie
 per tres horas: [in Vandaliâ hac nostrâ ab hora 10. ante merid. usq;
 ad horam 1. completam] Omnes vero Ecclipses Solis, quæ à
 dicta Lunæ interpositione fieri possunt, sunt *momentaneæ tantum dura-*
tionis in plenâ sui obscuracione, ob exiguam quantitatem Lunæ. Hin-
 c quoque patet (II) Causam hujus Ecclipsis Extraordinariæ non fuisse
nubes, quæ supra Universam Judæam subitò coiverint, ut putabat
 Origenes; Dionysius enim in Græcia, & Chinenfes, quarta ferè totius
 Orbis Terrarum parte h. e. 1200. miliarib. germanicis à Palæstinâ
 distantes hanc Ecclipsin observarunt. Neq; *Cineres, Pulvis vel Vapores*
 conglomerati inq; sublimè elevati per Terræ motum præcedentem
 fuere in causa; ut solet aliàs quidem fieri in eructationibus Vesuvii,
 Etnæ &c: cujusmodi dicitur fuisse Ecclipsis vita sub Domitiano (de
 qua Dio) cum Vesuvius usque in Palæstinam cineres evomit. Ast
 neque sic tenebræ fuissent super universam Terram, *nec in cælo stellæ*
apparuisent; quod tamen factum testante *Pblegonte Tralliano* (Ethnico
 & Cæsaris Adriani Liberto qui scripsit 70. anno post mortem Christi)
quarto autem (inquit) *Anno CCII. Olympiadis, Magna & Excellens inter-*
mines, quæ ante eam acciderant Defectio Solis facta: dies hora sexta, ita in

tenebrosam noctem versus, ut stella in Cælo visa sint, terræq; motus in Bythinia Nicæa urbis multas edes subverterit. vid. Chronic. Eusebii.

An dicendum (III) *Cometam* (sub sole moram) *Solem obscurasset*. Sic enim Anno Christi 1450, Cometa Lunam eclipsavit. Verum neque hæc causa videtur probabilis. Cometa enim motus tum fuisset (1.) vel secundum series signorum Zodiaci, vel versus boream vel Austrum vel (2.) secundum rectam lineam deorsum à Sole versus Terram: quod Anno Christi 829. contigit, quo Cometa ita descendens terram tetigit, & vegetabilia animalia hominesque lethaliter adussit. vid. *Fiorenzollus*. Si prius: tum cauda Cometae inter Columnæ seu Trabis, vel antecedentibus, vel hanc Eclipsin sequentibus diebus observata fuisset: (Hæc enim admiranda Eclipsis insigniter excitavit ad Cæli observantiam sine dubio tum temporis mortales) de quâ tamen nil invenitur. Præterea obscuratio facta fuisset sensim (ut in ordinariis Solis Eclipsibus) - imò Majori tarditate, quia Cometarum motus etiam celerrimorum deprehensus est tantum 9. graduum intra 24. horas, adeoq; ferè duplo tardior ipsa Lunâ, Obscuratio autem si tardissimè sensim, atque ex insperato contigisset & quidem in Sole (inuentes oculos lædente & fallente) non potuisset determinari, quoad sui initium finemque à diversis tam sacris quam profanis scriptoribus, præcisè ad idem tempus, & unanimiter. Obscuratio præterea durasset ultra tres horas, præsertim si Cometa universum Solem obscurasset simulq; universam Terram, idq; obscuratio totali: id enim magnitudinem insignem Cometicæ Corporis necessariò requirit: Oculatus verò Eclipses hujus testis Dionysius *Obscuracionem subito exortam totalem* testatur. Idem confirmat & *Paulus Orosius* L. 7. c. 4. *ad horam Diei Etam Sol in totum obscuratus, terræq; nox subito à terris obducta est, impiaq; æternam timuerunt secula noctem; quod Græcorum aliquod Libri testantur quæd.*

& Si posterius tum (1.) per aliquot dies (extra omne dubium) durasset Eclipsis: ut contigit tempore Caroli M. Imperatoris, Constantini & Copronymis ultimi & Anno 147. quibus exemplis tamen hora præcisè Obscuracionis annotata non est, quod signum est Obscuracionis hujusmodi causam non finitò sed sensim lege naturæ extitisse.) & (2.) quia Caudarum (Cometarum) amplitudo aliquot gradus Cæli implet (sunt autem caudæ vapores ætherei ad hærentes corpori Cometae) post Eclipsin hanc vel ante eam Sol pallidus etiamnum permanisset. (3.) Obscuratio Solis adhuc tardius quam in priori contigisset casu. (4.) Et quia Cometae Corpora sunt non globosa sed *disciformia* (plano - rotunda) & ita moventur, ut non

non planitiem latam sed angustio rem tenuioremque disci sui partem Soli Terræq; obvertant (ut navigia secundum angustio rem sui directionem provehuntur) hinc quamvis maximus Cometa adfuisset, non tamen totum Solem obscurare potuisset; sed illum obscura quasi linea quadam distinxisset tantum in medio. Necesse est ut quis velie objicere, subito propè Solem obortum Cometam, etiam intra tres horas periisse; nam Cometae quo propiores sunt Soli (eclipsis observationibus) eo magis augescunt, nimirum ex abundantibus effluviis Solaris Corporis.

An erga (IV.) *Alteratio in ipso Sole* fuit in admiranda hâc Ecclipsi? Ex observationibus quidem constat certissimis (vid. Cometographi, Hevelii) nullum in Mundo Corpus naturaliter majoribus alterationibus obnoxium esse quam Solare Corpus: habent enim partes ejus Obscuriores & lucidiores insignem mutationem, fumos expirant ejus montes, Maria igneosvolvunt fluctus, indeque nubes fuliginosæ, *Maculae Solis* dictæ sæpiissimè constituuntur, Asia Africaque nostra imò tota Terra majores: quæ utique pro suæ magnitudinis modulo partem de Solis Luce obscurant. E. alteratio in Sole potuit fuisse & hoc Ecclipsios tempore plane extraordinaria. Forsan quod tum temporis, ut in hâc Terra, ita quoque in Sole motus extiterint subitanei & horrendæ tempestates, quales ab initio Mundi non fuerunt: Sicque subito potuerint fieri vapores & nubes seu Maculae Solem obtenebrantes. Quæ fuliginosæ sulphureæ & inflammationi apussimæ nubes, fuere accensæ fulguris instar de subito post tres horas, sicque subito hora nona obscuratio in Sole cessare potuit. Sed reddatur h. m. rationi plausibilis subitanea tantæ umbræ cessatio, dubium tamen manet an ex istis vehementibus suppositis Solis motibus tam subito condensari potuerit tam ingentis magnitudinis Macula vel Macularum congeries. Crassiora enim & magna corpora non subito Lege Naturæ condensantur, motui enim resistunt omnia crassa: cum minores etiam maculas in Sole quotidie fere occurrentes, unico quasi subitaneo impetu factas esse, observationibus repugnet. Præterea cum Maculae Solares ab Orientali Solis parte moveantur in Occidentalem, sequitur necessario, quod & obscurationis recessus. Iam is reditus ab Orientali parte fieri debeat; Dionysius autem (in Epist. 7. ad Epist. 7. non ab eadem parte Solis & incidentiam & recessum umbræ vidit, sed de contrariâ potius. h. e. in Orientali parte Obscuratio Solis incepit, & duravit per 3. horas, & denique ab occidentali Solis parte Lumen rediit.

V. Causa ergo probabilior hujus stupendæ Obscurationis fuit, non tam principii, (Lucem in Sole causantis moventisque) violenta & enormis commotio & materiæ (à Luce) alienæ, umbrosæ & crassæ (ex qua alias Maculæ Solares ordinariè fiunt) eliminatio, excretio, Solisq; depuratio; sed potius anxia quasi & tremebunda ipsius motûs ejusq; principii cessatio. Ut enim in homine & reliquis animalibus & Viventibus omnibus: (quis autem animam, plantæ ad minimum analogam, inesse Soli tam efficacissimum influxum omnibus viventibus *ad vitam* manifestè præstanti, denegat?) ad *sensum* rerum suæ naturæ molestarum, exterior superficies corporis (cum subjacentibus venis carnibusque) constringitur, & sanguis non ita liberè admittitur sed in centro retentum anxietatis angustiaq; sensum format, corpus pallidum horridumque relinquit: Sic solis lumen constrictis sui Corporis solaris poris-Lumen in centro retinuit suum, tristissimam vero Caliginem in sua superficie monstravit & communicavit huic Universo. Universo, inquam: non enim *solus Sol* obscuratus est, sed individua quoq; Terræ Comes & alterum illud magnum Luminare LUNA (quia nulum habet nisi à SOLE lumen) patiebatur Ecclipsin, & quidem *Geminam: unam* eodem præcite obscurationis Solis prædictæ momento, *alteram* vesperi paulo post Sepulturam CHRISTI & SOLIS OCCASUM, cum ipsa (Luna nimirum in Oriente vix supra Horizontem Palæstinæ emergens) esset ingressa Terræ umbram. Porro tenebris quoque eodem tempore insolitis involvebantur, omnes Terræ reliquæ Cœlestes, *Planeta* nimirum, eorumque *satellites*: hi omnes enim in se nullum nisi à Solis Lumine Lumen habent. Imò omnia reliqua Astra innumera (fixæ stellæ dictæ) fuerunt obscurata: nam hæc insitum propriumque lumen habere creditur magis quam scitur: imò frustra creditur, si distantia fixarum à Terra talis sit, quæ Parallaxin juxta quorundam observationes, ex terræ orbe annuò admittat, tum sane manifestè Lumen insigne à Sole habent. Nec obstat, *quod visæ sint stellæ* (juxta Phlegontem) apparere enim & obscuratæ potuere, in hac tenebrosa nocte, sicuti ipse Sol licet obtenebratus videbatur; & Lunæ Corpus ecclipsatum subrubentis carbonis instar solet apparere. Et posito tandem stellas fixas proprium habere Lumen, adventitio tamen & auctiori Lumine, quod à sole ipsis obvenire solet, tum certò destitutæ fuerunt, & si lumine non penitus omni, insigni tamen sui luminis parte, & influxu reliquo à Sole oriundo fuerunt privata. Imò qui in omnia Astra, quæ extra controversiam à SOLE INCREATO suum habet omne Lumen, & quæ *in exortu suo Creatoris sui Providentiam*

laudarunt in Orbis Natali Job. 38. 7. quidni, inquam, Illa & tenebris suis luctuq; glorificare debuerint **ANXIETATEM ORBIS REDEMPTORIS** in altera Orbis Natali ?

Sed tandem rationes subducamus & scrutemur quid hæc sibi voluerit Admiranda Caligo ? Equidem Experientia docuit, quod ordinariæ Solis Lunæqve Ecclipses totales, morbum vel mortem difficulter evitandam brevi portendant illis, in cujus Loco adscendentis vel Solis vel Lunæ nativitatis contingunt. Hoc probavit Episcopus Qvinqueecclesiensis, qui inter varia alia Mathematica, propria manu scripsit ad Johannem Prætorium. Acad. Altorf. Mathel. Professore sequ. *Ecclipsis Lunæ die 15. hujus Mensis incidit in Aquarium. ubi meus est Horoscopus: si vera est Astrologia, mortem mihi affert vel gravissimum aliquem morbum. Tu quid censes? & paucis diebus interjectis occubuit.* Vid. Obs. Halens. Tom. V. in Placidum de Titis. &c.

Hæc vero Universi Caligo dilucidè monstrabat Totius Mundi remagi; non mortem, sed Vitam æternam terræ filiis toto Coelo aberrantibus portendebat: imò influxu suo efficaciter aptos reddebat mortalium animos ad Fidei Lumen Religionisq; Veræ cultum suscipiendum. Memorabile omnino est, quod in Chinesium Annalibus Hanc Miraculosam Solis Obscurationem exacte notatam invenerint rerum Chinesium inter scriptores alios *Gabiani* & præsertim *Andreas Müllerus*: qui posterior jussu Potentiss. Electoris Brandenb. S. B. FRIDERICI WILHELMI M. instituta diligenti de Illa Ecclipsi inquisitione seqq. in Chronico quodam Regum Sinensium invenit: *Anno Septimo Imperatoris Quanquiti, primo Vere Mense tertio* (tempore exacte coincidente cum Passione NOSTRI REDEMPTORIS) *Solis est facta Obtenebratio Maxima densaque; quam Imperator ut vidit, animo perculsus judicavit: Hanc Ecclipsin oriundam esse ab existente Potentia quadam in Natura rerum summa: hincq; usitato hætenus Imperatorio cognomine XIM h. e. summus seu Sanctissimus) per solenne edictum se abdixit.* Faustus mentis humiliatæ aulus, enitens ex densa Idololatriæ caligine ad Diluculum Veritatis! Propius vero feliciusqve ad clarissimam Lucem progressi sunt testes oculati hujus sanctæ Ecclipsis, Apolliphanes cum Socio Dionysio Areopagita; cujus posterioris verba perhibentur: *Aut Deus patitur, aut Mundi Machina peribit.* Verba altioris indaginis, & rationis humanæ sibi relictæ vires transcendentia, ferèqve Prophetica! si vera: Esto: ruinam terræ, intuitu improbitatis seculi augurari; JUSTUM quoque DEUM esse, & terram propter hominum improbitatem jam semel afflictam fuisse, ex probantibus Diluvium indicis (quæ etiamnum super sunt sat multæ & manifestæ) scire potuerit; quomodo vero ad DEI PATIENTIS cognitionem pervenire potuit? Credendo nimirum

nam le pervenisse, monstrat Dionysius ipse in Epistola ad Apollopha-
nem; *postquam inquit, ad votatum diligenter feria altem & annum, annuñciatio:
nem, quam jussu Sæculi, nostris attentis auribus incudit, conscientibus signis corp
pbrare & concordare, expertus, manus veritati submisit & falsitatis, nexibus suis
abjektivæ, tid. Riccioli Almagest.*

Et hac ratione hæ sanctæ Tenebræ testes & prænunciæ quidem fuerit
Luminis in æternum effulsuri; ast viam ad illud perveniendi demonstrat Solius
DEI VERBUM; ex hac Astrologia, non ex nostra Ratione discimus, *Punctum
amicum*, illudque respectu Vastissimi Cæli exiguum & contemptibile, tristibus
hisce ac stupendis tenebris obscurasse maxima Universi Lumina: illa inquam
Terra quæ propter filios suos in **CREATOREM OPT: MAXIMUM** in-
gratos maledicta erat, quæ tristes spinas ac sterile lolium dabat pro segete
lata, & hinc tandem submergebatur cum omni peccatorum illuvie diluvio iræ
DIVINÆ; eadem nihilominus minuta & indigna Sphæra Circumferentiam,
DIVINI AMORIS IMMENSAM Centro complectebatur suo. In hoc *puncto*
sibi ingens Amphitheatrum constituebant tam **JUSTITIA TREMENDA**
quam **MISERICORDIA ÆTERNA**; utraqve flagrabat ardenti desiderio
SIBI satisfaciendi. **ILLA** exigendo penas secundum rigorem; **HÆC JUSTI-
TIÆ** inveniundo satisfactionem infinitè sufficientem secundum Gratiam; **UTRQ;**
efficiendo, ut **DEUS** neq; **UNIGENITO** pepercerit **FILIO SUO**, **QVEM**
dedit huic Terræ quia quid pretiosius, quo perditam æque suo excusam
redimeret; quia quid Celsius quod in pignus **SUÆ DILECTIONIS** redemptæ
daret, non habuit; dedit Fidejussorem in quo severissime peccata omnium pu-
nirentur hominum; dedit ut Terram indueret & fieret Homo, qui post exactam
in adversitatibus infinitis vitam, per tormenta, æternamque penam **VITAM**
cum **SANGVINE** funderet **SUO**. Lugubre tempus, quo **DEUS** moritur! quo
Creaturæ omnes publicas parant exequias! Særea Terra Cruore **IMMENS!** **JBæ**
HOVÆ conspersa inter tot Ecclipses contremiscit; & quia intra sus claustra
ORBIS CONDITOREM recondere debet, fatiscit & rumpitur! Sol, ad
JUSTITIÆ SOLIS ECCLIPSIN, patitur deliquium & occidit in Medio
Cæli! Omnia Lumina, quia **LUMEN INACCESSUM** Horizonum subit,
optenebrantur! Hujus Publici Luctus memoriam O **CIVES** quam Angeli Ve-
nerantur & Dæmones formidant, & nos Christiani sobriè piè, menteque devo-
tissimâ celebremus. Cognoscamus ineffabilem illum erga nos **AMOREM**, qui
superat omnem intellectum; sincerè **HUNC** redamemus, qui nos amavit prius
usque ad Mortem & Infernum. Timeamus vero simul **JUSTITIÆ DIVINÆ**
quem spectavimus Rigorem, detestemur fœditatem voluptatum; fugiamus deo-
licias luxuriamque Membra, quando Caput nostrum Sanguinem stillat: Respi-
ciamus maledictionis Caliginem æternam qua rei eramus, atqve etiamnum sumus
illi qui hanc æternam seu infiniti valoris Redemptionem contemnunt. Qvas infel-
lices tenebras prohibeat à nobis omnibus **LUMEN ÆTERNUM** per **SAN-
GUINEM REDEMPTORIS NOSTRI**, cui sit Laus & Gra-

tiarum actio in secula æterna. /

P.P. Sub Rectoratus Academici Sigillo Domin. Quinqu. A. MDCCIX.